


德人治其屬地取締回教之辣手

英國名將司馬慈。攻德國非洲屬地既捷。遂進襲譙照城。並在德總督署中。檢獲所存正式公文一紙。就中秘密仇視回教情形。顯然披露。茲譯成華文如下。以為穆民同胞告。



德總督通飭各州縣官廳軍營及敵蘭第駐
劉公署之通告

照得抵制回民傳教。辦法不外數端。一嚴令禁止傳教事宜。二諭令教習不得執行割禮。或在清真寺主領禮拜等事。三此條對於黑人之為官吏者。援用之。四鼓勵土人養豬。以為抵制回人傳教計。凡此諸端。可否施諸實行。仰各地方文武官吏學校教員。就各該處情形。切實查覆。倘有可試行之處。仰即遵照辦理。務期獲有實效。並着令於三箇月內。將試辦情形。詳細呈覆。切。毋違。特此通告。

帝國總督許尼印 一九一三年十月十三日

查一八八八年。德帝曾親至君士坦丁。面謁土耳其皇帝。相見甚歡。既復游歷大馬色城。城中民選府尹。出寶劍貢之。德帝又幸耶路撒冷。官民鑿城為門以迎之。其所以恭順歡迎之者。無所不至。皆因德帝對於回教人。民屢示親善之意也。歐戰既起。土耳其遂加入德奧同盟。及今多受影響。數年以來。德人對於回教人。尤示親密。但據以上公文觀之。則平素所為。全屬欺詐。而所以秘密計畫。以屈抑回教之尊嚴。並破壞其信仰者。正為他日奴隸其人民地步耳。惟真主破壞其計畫。並使其所主張者無效。語見回教可蘭經。



譙照城以上台地照譙



德督許尼之肖像



譙照城市之圖